

唐
音
統
籤

戊籤九十六曹松之三

九十七
同卷

統籤卷

七百四
十五

七言律詩

山中

要路豪家非往還巖門先有不曾關衆心惟恐地
無剩吾意亦憂天惜閒白練曳泉窓下石絳羅垂
果枕前山樵夫豈解營生業貴欲自安麋鹿間

及第勅下宴中獻座主杜侍郎

得召丘墻淚却頰若無公道也無因門前送勅朱
衣吏席上銜杯碧落人半夜笙歌教泥月平明桃
杏放燒春南山雖有歸溪路爭那酬恩未殺身

七夕

牛女相期七夕秋相逢俱喜鵲橫流彤雲縹緲迴
金輅明月嬋娟掛玉鉤翠一作燕羽幾曾添別恨花
容終不更含羞更殘便是分襟處曉箭東來射翠
樓

南海

傾騰界漢沃諸蠻立望何如畫此看無地不同方
覺遠共天無別始知寬文鯤隔霧朝含磬老蚌凌
波夜吐丹萬狀千形皆得意長鯨獨自轉身難郭璞

江賦文鯢鱗濤濤翠翠山海經文鯢狀如
覆鉢鳥首而翼魚尾音如磬是生珠玉

洞庭湖

東西南北各連空，波上唯留小朶峯。
長與岳陽翻鼓角，不離雲夢轉魚龍。
吸迴日月過千頃，鋪盡星河剩一重。
直到劫餘還作陸，是時應有羽人逢。

桂江

未識佳人尋桂水，水雲先解傍壺觴。
筵林次第添斑竹，雛鳥參差護錦囊。
南中有雛鳥 錦囊鳥 乳洞此時連越井，
石樓何日到仙鄉。如飛似墮皆青壁，
畫手不強元化強。

天台瀑布

唐詩話卷之八
萬仞得名云瀑布遠看如織掛天台休疑竇尺難
量度直恐金刀易剪裁噴向林梢成夏雪傾來石
上作春雷欲知便是銀河水墮落人間合却迴

霍山

在龍川縣

七千七百七十丈丈藤蘿勢入天未必展來空
似翅不妨開去也成蓮月將河漢分巖轉僧與龍
蛇共窟眠直是畫工須閣筆况無名畫可流傳

三四

方輿勝覽作西土文殊曾
印迹大中皇帝舊參禪

巫峽

巫山蒼翠夾通津下有仙宮楚女貞不逐綵雲歸

碧落却爲暮雨撲行人年年舊事音容在日日誰
家夢想頻應是荆山留不住至今猶得覩芳塵

春日自吳門之陽羨道中書事

勝異恣遊應未遍路岐猶去幾時還浪花湖濶虹
蜺斷柳線村深鳥雀閒千室綺羅浮畫檝兩州絲
竹會茶山眼前便是神仙事何必須言洞府間

荆南道中作

十月荒郊雪氣催依稀愁色認陽臺遊秦分繫二
條燭出楚心殊一寸灰高柳莫遮寒月落空桑不
放夜風迴如何住在猿聲裏却被蟬吟引下來

將入關行次湘陰

背顧秦城在何處圖書作伴過湘東
神鷄亂噪黃陵近候鴈斜沉夢澤空
打槩天連晴水白燒田雲隔夜山紅
也知漸老巖棲穩爭柰文闕有至公

嶺南道中

百花成實未成歸未必歸心與志違
但有壺觴資逸詠盡教風景入清機
半川陰霧藏高木一道晴蜺雜落暉
遊子馬前芳草合鷓鴣啼歇又南飛

南海旅次

憶歸休上越王臺歸思臨高不易裁
爲客正當無

鴈處故園誰道有書來城頭早角吹霜盡郭裏殘
潮蕩月迴心似百花閒未得年年爭發被春催

江外除夜

千門庭燎照樓臺總爲年光急急催半夜臘因風
卷去五更春被角吹來寧無好鳥思花發應有遊
魚待凍開不是多岐漸平穩誰能呼酒祝昭回

李郎中林亭

祇向砌邊流野水樽前上下看魚兒筭蹊已長過
人竹藤徑從添拂面絲若許白猿垂近戶卽無紅
菓壓低枝大才必擬逍遙去更遣何人佐盛時

羅浮山下書逸人壁

海上亭臺山下煙，買時幽邃不爭錢。
莫言白日催華髮，自有丹砂駐少年。
漁釣未歸深竹裏，琴壺猶戀落花邊。
可中更踐無人境，知是羅浮第幾天。

題昭州山寺韋寂上人水閣

常寂常居常寂裏，年年月月是空空。
塔前未放巖根斷，屋下長教海眼通。
本爲入來尋佛窟，不期行處踏龍宮。
他時憶着堪圖畫，一朶雲山二水中。

陪湖南李中丞宴隱溪

璋

竹林啼鳥不知休，羅列飛橋水亂流。
觸散柳絲迴

玉勒約開蓮葉上蘭舟酒邊舊侶真何遜雲裏新
聲是莫愁若值主人嫌晝短應陪秉燭夜深遊
南海陪鄭司空遊荔園

荔枝時節出旌旂南園名園盡與遊亂結羅紋照
襟袖別含瓊露爽咽喉葉中新火欺寒食樹上丹
砂勝錦州他日爲霖不將去也須圖畫取風流

夜飲

良宵公子宴蘭堂濃麝薰人獸吐香雲帶金龍銜
畫燭星羅銀鳳瀉瓊漿滿屏珠樹開春景一曲歌
聲遶翠梁席上未知簾幕曉青娥低語指東方

拜訪陸處士

萬卷書邊人半白，再來唯恐降玄纁。
性靈比鶴爭多少，氣力登山較幾分。
吟鬢漸無前度漆，寢衣猶有昨宵雲。
將知谷口耕煙者，低視齊梁楚趙君。

江西逢僧省文

高僧不負雪峰期，却伴青霞入翠微。
一作七葉巖

前霜欲降九枝松，上鶴初歸風生碧澗魚。
龍躍錫振金樓燕雀飛，想得白蓮花上月滿山。
猶帶舊光輝。

贈鏡湖處士方干二首

包含教化剩搜羅
句出東甌柰峭何
世路不妨平處少
才人唯是屈聲多
雲來島上便幽石
月到湖心忌白波
後輩難爲措機杼
先生織字得龍梭
祇擬應星眠越絕
唯將麗什當高勳
磨礱清濁人難會
織絡虛無帝亦聞
鳥道未知山足雨
漁家已沒鏡中雲
他時莫爲三徵起
門外沙鷗解笑君

贈道人

住山因以福爲庭
便向山中隱姓名
闔苑駕將雕羽去
洞天贏得綠毛生
日邊腸胃飡霞火
月裏肌膚飲露英
顧我從來斷浮濁
擬驅雞犬上三清

廣州貽匡緒法師

口宣微密不思議不是除貪卽誠癡
祇待外方緣了日爭看內殿詔來時
週迴海樹侵階疾迢遞江潮應井遲
必竟懶過高坐寺未能全讓法雲師

別湖上主人

門繫釣舟雲滿岸借君幽致坐移旬
湖村夜叫白蕪鴈菱市曉喧深浦人
遠水日邊重作雪寒林燒後別生春
不辭更住醒還醉太一東峯歸夢頻

送乞雨禪師臨遇南遊

活得枯樵耕者知巡方又欲向天涯
珠穿閩國菩

提子杖把靈峰柳栗枝春蘚任封降虎石夜雷從
傍養龍池生緣在地南浮去自此孤雲不可期

弔李翰林

李白雖然成異物逸名猶與萬方傳昔朝曾侍玄
宗側大夜應歸賀監邊山木易高遂故壠國風長
在見遺篇投金渚畔春楊柳自此何人繫酒船一

水晶念珠

等量紅縷貫晶熒盡道勻圓別未勝鑿斷玉潭盈
尺水琢成金地兩條水輪時祇恐星侵佛掛處常
疑露滴僧幾度夜深尋不着瑠琬爲殿月爲燈

白角簾

角簾工夫已到頭夏來全占滿床秋若言保惜歸
華屋祗合封題寄列侯學卷曉永常怕綻解鋪寒
水不教流蒲桃錦是瀟湘底曾得王孫價倍酬

碧角簾

細皮重疊織霜紋滑膩鋪床勝錦茵八尺碧天無
點翳一方青玉絕纖塵蠅行只恐煙黏足客臥渾
疑水浸身五月不教炎氣入滿堂秋色冷龍鱗

五言絕句

言懷

出山不得意，謁帝值戈鋌。豈料爲文日，翻成用武年。

夏日東齋

三庚到秋伏，偶來松檻立。熱少清風多，開門放山人。

南朝

離離蓋馳道，風烈一無取。時見牧牛童，噴牛喚禾黍。

金谷園

當年歌舞時，不說草離離。今日歌舞盡，滿園秋露

垂

寒食日題杜鵑花

一朶又一朶併開寒食時誰家不禁火總在此花
枝

春草

不獨滿池塘夢中佳句香春風有餘力引上古城
墻

七言絕句

巳亥歲二首

澤國江山入戰圖生民何計樂樵蘇憑君莫語封

侯事一將功成萬骨枯

紀事云可謂
諸世故矣

傳聞一戰百神愁
兩岸彊兵過未休
誰道滄江總
無事近來長共血爭流

中秋對月

無雲世界秋三五
共看蟾盤上海涯
直到天頭天
盡處不曾私照一人家

鍾陵寒食日郊外閒游

可憐時節足風情
杏子粥香如冷錫
無奈春風輸
舊火遍教人喚作山櫻

亂後入洪州西山

寂寂陰溪水漱苔塵中將得苦吟來東峯道士如
相問縣尉而今不姓梅

商山

垂白商於原下住兒孫共死一身忙木弓未得長
離手猶與官家射麝香

山寺引泉

劈碎琅玕意有餘細泉高引入香厨山僧未肯言
根本莫是秋河漏泄無

駙馬宅宴罷

粉牆殘月照宮祠宴闋銀瓶一半欹學語鶯兒飛

未穩放身斜墜綠楊枝

江西逢僧省文

閩地高僧楚地逢
伴遊蠻錫挂垂松
白雲逸性都無定
纔出雙峰愛五峰

贈廣宣大師

憶昔同游紫閣雲
別來三十二回春
白頭相見雙林下
猶是清朝未退人

送僧入廬山

若到江州二林寺
遍遊應未出雲霞
廬山瀑布三千仞
剗破青霄始落斜

送僧入蜀過夏

師言結夏入巴峰
雲水迴頭幾萬重
五月峨眉須近火
木皮嶺裏祗如冬

題僧院松

空山澗畔枯松樹
禪老堂頭鱗甲身

一作老對禪堂鱗甲身

傳是昔朝僧種着
下頭應有茯苓神

句

追遊若遇三清樂
行從應坊一日春

李肇國史補云曲江大會

先牒教坊請奏上御紫雲樓觀焉時或

擬作樂則爲之移日故曹松詩云云
石脉水

流泉滴沙鬼燈燃
點松栢花

吟窓雜錄

鹿眠荒圃寒

蕪白鴉噪殘陽敗葉飛

錦綉萬花谷

華岳影寒清露

掌海門風急白潮頭

見升菴外集

戊籤九十七

王希羽

一作禹

池州人天復元年登進士第時年七

十三五老榜之一也詔特授秘書省正字後與楊

夔康駢客於田頴詩一卷

唐志無宋志有

今存一篇

贈杜荀鶴

南部新書荀鶴大順二年裴贄下登第傳衣鉢爲第八人放榜乃正

月十日卽其生日也

金榜曉懸生世日玉書潛記上昇時九華山色高
千尺未必高於第八枝

戊籤九十八

唐音統籤卷

七百四十六

裴說唐末登進士第

陳氏書錄云天祐三年進士狀頭紀事云天復六年卷甲

料然天復無六年未知孰是

終禮部員外郎遭亂宦不達多遊

江湖間其詩以苦吟難得爲工且拘格律集一卷

唐志無宋志有紀事云唐舉子先投所業於公卿之門謂之行卷說只行五言十九首至來年秋賦復行舊卷人有譏之者說曰只此十九首苦吟尚未有人見知何假別行卷哉識者以爲知言

七言古詩

寄邊衣

陳氏書錄云說此詩黃山谷以爲甚麗而本集失載今補入

深閨乍冷開香篋玉筍微微濕紅頰
一陣霜風殺柳條濃煙半夜成黃葉
重重白練如霜雪獨下閨

階轉淒切祗知抱杵擣秋砧不覺高樓已無月時
聞塞鴈聲相喚紗牕只有燈相伴幾展齊紈又懶
裁離腸恐逐金刀斷細想儀形執牙尺回刀剪破
澄江色愁捻銀針信手縫惆悵無人試寬窄時時
舉袖勻殘淚紅箋設有千行字書中不盡心中事
一半殷勤託邊使

題懷素臺

零陵總紀云臺在郡東五里橫隴之上開元中懷素居之學者因謂

之懷素臺今有墨池筆冢存焉

我呼古人名鬼神側耳聽杜甫李白與懷素文星
酒星草書星永州東郭有竒怪筆塚墨池遺跡在

筆塚低低高似山墨池淺淺深如海我來恨不已
爭得青天化爲一張紙高聲喚起懷素書榻管研
朱點湘水欲歸家重歎嗟眼前有三箇字枯樹槎
烏梢蛇墨老鴟

五言律詩

塞上曲

極目望空濶馬羸程又賒月生方見樹風定始無
沙楚水辭魚窟燕山到鴈家如斯名利役爭不老
天涯

夏日卽事

僻居門巷靜竟日坐階墀鵲喜雖傳一作還逢信蛩吟
不見詩筍抽通舊竹梅落立閒枝此際無塵撓僧
來稱所宜

冬日後作

寂寞掩荆扉昏昏坐欲癡事無前定處愁有併來
時日影纔添線鬢根已半絲明庭正公道應許若
心詩

冬日作

糲食擁敗絮苦吟吟過冬稍寒人却健太飽事多
慵樹老生煙薄墻陰貯雪重安能只如此公道會

相容

方回云三四應破首句纒
食敗絮有針線不苟作也

中秋月

一歲幾盈虧當軒重此期幸無偏照處剛有不明
時色淨雲歸早光寒鶴睡遲相看吟未足皎皎下
踈籬

對雪

大片向空舞出門肌骨寒路岐平卽易溝壑滿應
難兔穴歸時失禽枝宿處乾豪家寧肯厭五月畫
圖看

終南山

九衢南面色蒼翠絕纖塵寸步有閒處百年無到
人禁林寒對望太華淨相鄰誰與羣峰並祥雲瑞
靄頻

華山上方

獨上上方上立高聊稱心氣衝雲易黑影落縣多
陰有雪草不死無風松自吟會當求太藥他日復
追尋

廬山瀑布

靜景憑高望光分翠嶂開嶮飛千尺雪寒撲一聲
雷過去雲衝斷旁來燒隔迴何當住峯下終歲絕

塵埃

過洞庭湖

浪高風力大挂席亦言遲及到堪憂處爭如未濟
時魚龍侵莫測雷雨動須疑此際情無賴何門寄
所思

旅中作

妄動遠拋山其如饒興窳投人言去易開口說貧
難澤國雲千片湘江竹一竿時明未忍別猶待計
窮着

旅次衡陽

厚音彩
欲往幾經年今來意豁然江風長借客岳雨不因
天戲鷺飛輕雪驚鴻叫亂絃
蕪穢紅藕裏十宿寄
漁船

漢南郵亭

高閣水風清開門日送迎
帆纜獨鳥起樂奏大魚
驚驟雨拖山過微風拂面生
閒吟雖得句留此謝
多情

旅行聞寇

動步憂多事將行問四鄰
深山不畏虎當路却防
人豪富園園廢疲羸屋舍新
自慙爲旅客無計避

煙塵

首句一作寸步邊多事後四句一作無事助
明代何門銷此身空慙雨行淚飄酒向紅塵

般若寺

南嶽古般若自來天下知翠籠無價寺光射有名
詩一水湧獸跡五峯排鳳儀高僧引開步畫出文

陽歸

一作高僧間引
步畫出夕陽時

道林寺

獨立凭危欄高低落照間寺分一派水僧鎖半房
山對面浮世隔垂簾到老閒煙雲與塵土寸步不
相關

兜率寺

一片無塵地高連夢澤南僧居跨鳥道佛影照漁
潭朽枿雲斜映平蕪日半涵行行不得住迴首望
烟嵐

鹿門寺

鹿門山上寺突兀盡無塵到此修行者應非取次
人鳥過驚石磬日出礙金身何計生煩惱虛空是
四鄰

題岳州僧舍

喜到重湖北孤洲

一作舟

橫晚煙鷺啣魚入寺鴉接

飯隨船松檜若山通菰蒲夢澤連與師吟論處秋

水浸遙天

見王貞白

共賀登科後明宣入紫宸又看重試榜還見苦吟
人此得名渾別歸來話亦新分明一枝桂堪動楚
江濱

喜友人再面

一別幾寒暄迢迢隔塞垣相思長有事及見却無
言靜坐將茶試閒書把葉翻依依又留宿圓月上
東軒

訪道士

高岡微雨後木脫草堂新惟有疎慵者來看淡薄
人竹芽生碍路松子落敲巾粗得玄中趣當期宿
話頻

贈衡山令

君吟三十載辛苦必能官造化猶難隱生靈豈易
謾猿跳高岳靜魚擺大江寬與我爲同道相留夜
話闌

南中縣令

寂寥雖下邑良宰有清威苦節長如病爲官豈肯
肥山多村地狹水淺客舟稀上國搜賢急陶公早

晚歸

贈賓貢

惟君懷至業萬里信悠悠
路向東溟出枝來北關
求家無一夜夢帆掛隔年秋
鬢髮爭禁得孤舟往
復愁

不出院僧

四遠參尋徧修行却不行
耳邊無俗語門外是前
生塔見移來影鐘聞過去聲
一齋唯默坐應笑我
營營

寄曹松

莫見苦吟遲吟遲鬢亦絲鬢斑猶可染詩病却難
醫山暝雲橫處星稠月側時冥搜不可得一句至
公知

春早寄華下同人

正是花時節思君寢復興市沽終不醉春夢亦無
憑岳面懸青雨河心走濁冰東門一條路離恨鎮
相仍

寄僧尚顏

曾居五老峯所得共誰同才大天全與吟精楚欲
空客來庭減日鳥過竹生風早晚搖輕拂

一作金錫重

歸瀑布中

寄貫休

憶昔與吾師山中靜論時總無方是法難得始爲
詩凍犬眠乾葉飢禽啄病梨他年白蓮社猶許重
相期

湖外寄處賓上人

惟得意相親高携一軸新能搜大雅句不似小乘
人嶽麓擎枯檜瀟湘吐白蘋他年遇同道爲我話
風塵

送人宰邑

官小任還重命官難偶然皇恩輕一邑赤子病三年瘦馬稀食粟羸童不識錢如君清苦節到處有人傳

秋日送河北從事

北風沙漠地吾子遠從軍官路雖非遠詩名要且聞蟬悲欲落日鷗下擬陰雲此去難相戀前山摻袂分

湖外送何崇入關

因詩相識久忽此告臨途便是有船發也須容市沽精吟五箇字穩泛兩重湖長短逢公道清名振

帝都

春煖送人下第

相送短亭前，知君愚復賢。
事多憑夜夢，老爲待明年。
春樹添山脊，晴雲學曉煙。
雄文有公道，此別莫潸然。

送進士蘇瞻亂後出家

因亂事空王，孤心亦不傷。
梵僧爲骨肉，禪寺作家鄉。
眼閉千行淚，頭梳一把霜。
詩書不得力，誰與問蒼蒼。

哭處默上人

淒涼總幕下香吐一燈分
臘老輪寒梅
開與白雲挈
手曾幾度傳衲不
教焚泣罷重回首暮山鐘
半聞

詠碁

十九條平路言平又險
藏人心無筭處國手有輸
時勢迥流星遠
擲下卷羅臨軒纔一局寒日又
西垂

牡丹

數朵欲傾城安同桃李榮
未嘗貧處見不似地中生
此物疑無價當春獨有名
遊蜂與蝴蝶來徃自

多情

鸚鵡

常貴西山鳥衛恩在玉堂語傳明主意衣拂美人
香緩步尋珠網高飛上畫梁長安頰道樂何日從
君主

鷺鷥

秋江清淺時魚過亦頻窺却爲分明極翻飛一作
所得遲浴俛紅日色棲厯碧蘆枝會共鷓同侶翺
翔應可期

五言絕句

唐音統載

卷七百四十六

十

戊

寄僧知乾

貌高清入骨帝里舊臨壇出語經相似行心佛證
安

七言絕句

亂中偷路入故鄉

愁看賊火起諸烽偷得餘程悵望中一國半爲亡
國燼數城俱作古城空

嶽陽兵火後題僧舍

十年兵火真多事再到禪扉却破顏惟有兩般燒
不得洞庭湖水老僧閒

柳

高拂危樓低拂塵
灞橋攀折一何頻
思量卻是无情樹
不解迎人只送人

春日山中竹

數竿蒼翠擬龍形
峭拔頻教此地生
無限野花開不得
半山寒色與春爭

薔薇

一架長條萬朵春
嫩紅深綠小窠勻
只應橫下千年土
曾葬西川織錦人

句

讀書貧裏樂搜句靜中忙

茗溪漁隱云二事乃余日用者此味飽讀之矣

苦吟僧入定得句將成功

以下見詩話

是事精皆易

唯詩會却難

贈賈休

因携一家住贏得半年吟

石首

縣

吟餘潮落岸

水高天

江潮

擬掘孤墳破

重教大雅生

經杜甫墳此笑曰裴說劫墓賊耳

三年清似

水六月冷如冰

贈縣令

一通紅錦重三事紫羅輕

以下並見綉石書堂

瘦肌寒帶粟病眼餒生花

避亂一

身多

雪留寒竹寺舍冷風撼早梅城郭香

見錦綉萬

花

畫毬輕蹴壺中地綵索高飛掌上身

清明見事文

卷終

聚類

戊籤九十九

至一百
六同卷

唐音統籤卷

七百四
十七

趙搏爵里無考歌詩二篇

見唐藝
文志

琴歌

綠琴製自桐孫枝十年牕下無人知清聲不與衆
樂雜所以屈受塵埃欺七絃脆斷蟲絲朽辨別不
曾逢好手琴聲若似琵琶聲賣與時人應已久玉
徽冷落無光彩堪恨鍾期不相待鳳嘯吟幽鶴舞
時撚弄錚鏘聲亦在向曾守貧貧不做賤價與人
人不別前迴忍淚却收來泣向秋風兩條血乃知
凡俗難可名輕者却重重者輕真龍不聖土龍聖

鳳凰啞舌鴟梟鳴何殊此琴哀怨苦寂寞沉埋在
幽戶萬重山水不肯聽俗耳樂聞人打鼓知君立
身待分義驅喝風雷在平地一生從事不因人徒
步窄雲皆自致不辭重拂絃上塵市廛不買多讒
人莫辭憔悴與買取爲君一曲號青春

廢長行

箋云辨其惑於無益之戲而不務恤民也國史補云今之博戲有長行

最盛其具有局有子子黑黃各十五擲采之戲有二其法生於握槊變于雙六後人出新意爲之監險易者喻時事焉適變通者方易象焉王公大人頗或耽耽至於廢慶甲忘寢食

紫牙鏤合方如斗二十四星銜月口貴人迷此華

筵中運木手交如陣鬪不算勞神運枯木且廢爲
官恤憊獨門前有吏嚇孤窮欲訴門深抱冤哭耳
厭人催坐衙早纔聞此戲身先到理人似愛長行
心天下安平多草草何當化局爲明鏡掛在高堂
辨邪正何當化子作筆鋒常在手中行法令莫令
終日迷如此不治生民負天子

戊籤一百

周濟字里無考有集一卷

唐志無宋志通考經籍志有

今存詩

四篇

重門曲

憔悴容華怯對春
寂寥宮殿鎖閑門
此身却羨宮中樹
不失芳時雨露恩

山下水

背雲衝石出深山
淺碧泠泠一帶寒
不獨有聲流出此
會歸滄海助波瀾

逢鄰女

日高鄰女笑相逢
慢束羅裙半露胸
莫向秋池照綠水
參差羞殺白芙蓉

廢宅

牢落畫堂空鎖塵
荒涼庭樹暗消春
豪家莫笑此

中事曾見此中人笑人

戊籤一百一

張友正字里無考詩一卷

唐志與張安石同叙諸家集錄之末爲唐末人

無疑雜編一卷或卽其詩也

今存二篇

春草凝露

蒼蒼芳草色含露對青春已賴陽和長仍慙潤澤
頰日臨殘未滴風度欲成津蕙葉垂偏重蘭叢洗
轉新將行愁裏逕欲采畏濡身獨愛池塘畔清華
遠襲人

錦帶佩吳鉤

帶劍誰家子
春朝紫陌遊
結邊霞聚錦懸
處月隨鈎
綵縷迴文出
雄芒練影浮
葉依花裏艷
霜向鏐中秋的
鑾宜驄馬爛
爓映綺裘應
須待報國一
加月支頭

戊籤一百二

張安石字里無考有涪江詩集一卷

唐宋藝文志同唐志叙于

諸家集目之末今存二篇

玉女詞

綺薦銀屏空積塵
柳眉桃臉暗銷春
不須更學陽臺女
爲雨爲雲趁惱人

苦別

向前不信別離苦而今自到別離處兩行粉淚紅
關干一朶芙蓉帶殘露

戊籤一百三

蔣吉爵里未詳集一卷

見通考陳氏書錄

今存詩十五篇

石城

繫纜石城下恣吟懷暫開江人橈艇子將謂莫愁
來

漢東道中

九十九岡遙天寒雪未消羸童牽瘦馬不敢過危

橋

高溪有懷

駐馬高溪側旅人千里情
鴈山山下水還作此泉聲

寄進士賈希

恨苦淚不落耿然東北心
空囊與瘦馬羈絆意應深

出塞

瘦馬羸童行背秦暮鴉掠亂入殘雲
井風吹起寒管角直至淪關人盡聞

旅泊

霜月正高鸚鵡洲美人清唱發紅樓鄉心暗逐秋
江水直到吳山脚下流

次青雲驛

馬轉櫟林山鳥飛商溪流水背殘暉行人幾在青
雲路底事風塵猶滿衣

大庾驛有懷

一囊書重百餘斤郵吏寧知去計貧莫訝偏吟望
鄉句明朝便見嶺南人

題商山修路僧院

此地修行山幾枯
草堂生計只瓶盂
支郎旣解除
艱險試看人心平得無

題長安僧院

出門爭走九衢塵
總是浮生不了身
惟有水田衣
下客大家忙處作閒人

次商於感舊寄盧中丞

昔年簪組隘丘門
今日旌幢一院存
何事商於淚
如雨小儒偏受陸家恩

樵翁

獨入深山信脚行
慣當獮虎不曾驚
路傍花發舞

心看惟見枯枝刮眼明

四老廟

無端捨釣學干名不得溪山養性情
自省此身非達者今朝羞拜四先生

昭君冢

曾爲漢帝眼中人今作狂胡陌上塵
身處不知多少載冢花猶帶洛陽春

聞歌竹枝

巡隄聽唱竹枝詞正是月高風靜時
獨向東南人不曾弟兄俱在楚江湄

皮籤一百四

鄭渥字里無考詩一卷

唐志無宋志有

今存詩二篇

塞上

郭茂倩樂府

出門何處問西東
指畫翻爲語論同
到此客頭潛覺白
未秋山葉已飄紅
帳前影落傳書鴈
日下聲交失馬翁
早晚回鞭復南去
大衣高蓋漢鄉風

洛陽道

客亭門外路東西
多少喧騰事不齊
楊柳惹鞭公子醉
苧麻掩淚魯人迷
通宵塵土飛
山月是處經
營夾御堤
頃刻知音幾
存歿半回
依約認輪蹄

戊籤一百五

任翻

或作蕃

唐末人爵里無考嘗客居天台有宿巾

子山詩爲人所稱詩集一卷

唐宋藝文志並同

今存詩十

一篇

後村劉氏曰翻詩存者五言十首然多佳句可愛賢於今之動爲千百首無一可傳者矣

茲徧搜得此第未知與後村所見同否

洛陽道

憧憧洛陽道塵下生春草行者豈無家無人在家
老雞鳴前結束爭去恐不早百年路傍盡白日車
中曉求富江海挾取貴山嶽小二端立在途奔走
無由了

春晴

楚國多春雨柴門喜曉晴
幽人臨水坐好鳥隔花
鳴野色臨空澗江流接海平
門前到溪路今夜月
分明

秋晚郊居

遠聲霜後樹秋色水邊村
野逕無來客寒風自動
門海山曩日影江月落潮痕
惆悵高飛晚年年別
故園

秋晚途次

行路此時心不開孤貧送上國
少壯有衰

顏衆鳥已歸樹旅人猶過山蕭條遠林外風急水
潺潺

葛仙井

古井碧沉沉分明見百尋味甘傳邑內脉冷應山
心圓入月輪淨直涵峯影深自從仙去後汲引到
如今

桐栢觀

飄飄雲外者躔宿聚仙堂半夜人無語中宵月送
涼鶴歸高樹靜螢過小池光不得多時住門開是
事忙

宮怨

淚乾紅落臉心盡白垂頭自此方知怨從來豈信

愁

張爲取作
主客圖

惜花

無語與花別細看枝上紅

二句張爲取
作主客圖

明年又相

見還恐是愁中

宿巾子山禪寺

方輿勝覽山在明州城中橫
峙江之下流兩峯如怡嶺其

頂雙塔差肩有明慶
塔院勝槩名天下

絕頂新秋生夜涼鶴翻松露滴衣裳前峯月映半

江水清在翠微開竹房

再遊巾子山寺

靈江江上憤峯寺三十年來兩度登
野鶴尚巢松樹徧竹房不見舊時僧

三遊巾子山寺感述

清秋絕頂竹房開松鶴何年去不迴
惟有前峯明月在夜深猶過半江來

句

碑已無文字人猶敬子孫

經墮淚碑見詩人王屠

半頂髮

根白一生心地清

贈僧見劉後村詩話

戊籤一百六

嚴郾氏里無考唐末人詩二卷

宋志

今存二篇

望夫石

何代提戈去不還
獨留形影白雲間
肌膚銷盡雪
霜色羅綺點成苔
蘚斑江鷺不能傳
遠信野花空
解妬愁顏近來豈少
征人婦笑採蘼蕪上北山

賦百舌鳥

此禽輕巧少同倫
我聽長疑舌滿身
星未沒河先
報曉柳猶粘雪便迎春
頻嫌海燕巢難定
却訝林
鶯語不真莫倚春風便
多事玉樓還有晏眠人

戎籤一百七

一百八
同卷

唐音統籤卷

七百四
十八

鄭巢爵里莫詳詩一卷

唐志無
宋志有

秋思

寒蛩鳴不定郭外水雲幽南浦鴈來日北窗人卧
秋病身多在遠生計少於愁薄暮西風急清砧響
未休

楚城秋夕

故苑多愁夕西風木葉黃寒江浸霧月曉角滿城
霜弟姪來書少關河去路長幾時停桂檝故國隔

瀟湘

泊靈溪館

天台賦過靈溪而濯李善曰溪名也

孤吟疎雨絕

一作外

荒館亂峯前
曉鷺棲危石
秋

滿敗船溜從華頂
落樹與赤城連
已有求閒意
來期在暮年

秋日陪姚郎中登郡中南亭

雲水生寒色
高亭發遠心
鴈來疎角韻
槐落減秋陰
隔石嘗茶坐
當山抱瑟吟
誰知瀟洒意
不似有朝簪

宿天竺寺

暮過潭上寺
獨宿白雲間
鐘磬遙連樹
星河半隔

山石中泉暗落松外戶初關却憶終南裡前秋此夕還

陳氏園林

常門三四峯高興幾人同尋鶴新泉外留僧古木中蟬鳴槐葉雨魚散芰荷風多喜陪幽賞清吟繞石藂

題崔中丞北齋

湖近草侵庭秋來道興生寒潮添井味遠漏帶松聲放卷聽泉坐尋僧踏雪行何年各無事高論宿青城

題崔行先石室別墅

山空水繞籬幾日此栖遲採菊頻秋醉留僧擬夜
基桂陰生野菌石縫結寒澌更喜連幽洞唯君與
我知

題靈隱寺院

山寒葉滿衣孤鶴偶清羸已在雲房老休爲內殿
期嵐昏聲磬早菓熟喚猿遲未得終高論明朝更
別離

瀑布寺貞上人院

林疎多暮蟬師去宿山煙古壁燈薰盡秋琴雨慢

絃竹間窺遠鶴巖上取寒泉西嶽莎房在歸期更
幾年

和姚郎中題凝公院

石房寒竹連白晝坐冥然片衲何山至空堂幾夜
禪葉侵經上字冰結硯中泉雪夕誰同話懸燈古
像前

贈丘先生

雲泉心不爽垂日坐柴關硯取簷前雨一作水圖開
異國山原僧招過宿沙鳥伴長閒地與中峯近殘
陽獨不還

贈蠻僧

南海何年過中林一磬微病逢秋雨發心逐暮潮
歸久卧前山寺猶逢故國衣近來慵步履石蘚滿
柴扉

寄貞法師

巡禮知難盡幽人見亦稀幾年潭上過何待雪中
歸遠瀑穿經室寒螿發定衣無因尋道者獨坐對
松扉

送靈溪李侍郎

貂裘離闕下初佐漢元勲河偃流澌疊沙晴遠樹

分牛羊下暮靄鼓角調寒雲中夕蕭關宿邊聲不
可聞

送姚郎中罷郡遊越

逍遙方罷郡高興接東甌幾處行杉逕何時宿石
樓潮聲穿古竇華影在空舟惆悵雪門路無因得
從遊

送魏校書赴夏口從事

西風吹遠蟬驛路在雲邊獨夢諸山外高談大旆
前夜燈分楚塞秋角滿湘船郡邑多巖竇何方便

學仙

送衡州薛從事

吟去望雙旌滄洲晚氣清遙分高岳色亂出遠蟬
聲楚霽雲連寺湘寒浪浸城孤猿不可聽一聽白
髭生

送邊使

關河度幾重邊色上離容灞水方爲別沙場又入
冬曙鵬迴大旆夕雪沒前峯漢使多長策須令遠
國從

送人赴舉

篇章動玉京墜葉滿前程舊國與僧別秋江罷釣

行馬過隋代寺櫓出楚山城應近嵩陽宿潛聞瀑
布聲

送袁肇歸山陰

論文意有違寒雨洒行衣南渡久誰語後岑今獨
歸河帆因樹落沙鳥背潮飛若值雲門侶多應宿

翠微

送李式

瀟湘路杳然清興起秋前去寺多隨磬看山半在
船綠雲天外鶴紅樹雨中蟬莫使遊華頂逍遙更
過年

送韋弁

掛席曙鍾初家山半在吳艣聲過遠寺江色洞秋
蕪陂鶴巢城木邊鴻宿岸蘆知君當永夜獨釣五
湖隅

送人南遊

南京路悄然歛石漱流泉遠寺寒雲外揚帆暑雨
前鴈行回曉岫蜃色上湖田更想清吟處多同隱
者眠

送省空上人歸南嶽

又歸衡嶽寺舊院樹冥冥坐石縫寒衲尋龕補壞

經嶠雲籠曙磬潭草落秋萍誰伴高窗宿禪衣挂
桂馨

送象上人還山中

竹錫與袈裟靈山笑暗霞泉痕生淨蘚燒力落寒
花高戶間聽雪空窗靜壽茶終期宿華頂須會說
三巴

送僧歸富春

憶過僧禪處遙山抱竹門古房闕蘚色秋逕掃潮
痕石淨聞泉落沙寒見鶴翻終當從此望更與道
人言

送琇上人

古殿焚香外清羸坐石稜茶煙開瓦雪鶴跡上潭
冰孤磬侵雲動靈山隔水登白雲歸意遠舊寺在
廬陵

哭虛海上人

一化西風外禪流稍稍分買碑行暮雨斲石葬寒
雲靜戶關松色荒齋聚鳥群朗吟聲不倦高傳有
遺文

戊籤一百八

陳光爵里無考唐末人也詩一卷

唐宋志同

今存詩一

篇

題桃源僧

桃源有僧舍
跬步異人天
花亂似無主
鶴鳴疑有仙
軒廊明野色
松檜濕春烟
定擬辭塵境
依師過晚年

卷終

戊籤一百九

唐音統籤卷

七百四十九

蘇拯字里未詳唐末人也詩一卷

唐志無宋志有太平廣記云

光化中拯與考功郎中蘇璞叙宗黨尋以啓事溫卷令鄉人陳滌緘封滌悞署已名璞得之大怒拯致書謝過吳子華聞之曰此書却悞所見惟此一事徐獻志曰拯詩欲返六代爲漢魏本而無文

頌魯并序

昔謂孔宣父絕糧于陳蔡歷國七十二不遇一君咸云命不通也愚謂聖人剛詩定禮出沒行藏承天之意非由命焉不然論語不曰天之未喪斯文也匡人其如予何又曰下學而上達知我者其天乎以斯明矣

因爲頌魯章凡十四句

天推魯仲尼周游布典墳遊遍七十國不令遇一君一國如一遇單車不轉輪良由至化力爲國不

月正 卷之九
爲身禮樂行未足適廻厄於陳禮樂今有餘袞旒
當聖人傷哉絕糧議千載誤云云

經鶴臺

築臺非謂賢獨聚乘軒鶴六馬不能馭九臯欲何
託一旦敵兵來萬民同隕濩如何警露禽不似銜
環雀一物欲誤時衆類皆成惡至今臺基上飛鳥
不至泊

西施

吳王從驕佚天產西施出豈徒伐一人所希救群
物良由上天意惡盈戒奢侈不獨破吳國不獨生

越水在周名褒姒在紂名妲己變化本多塗生殺
亦如此君王政不修立地生西子

巫山

昔時亦雲雨今時亦雲雨自是荒淫多夢得巫山
女從來聖明君可聽妖魅語只今峯上雲徒自生
容與

長城

嬴氏設防胡烝沙築寃壘蒙公取勲名豈算生民
死運奮力不禁碎身砂積裏黔黎欲半空長城春
未已皇天潛鼓怒力化一女子遂使萬雉崩不盡

數行淚自古進身者本非階物致當時文德修不
到三世地

金谷園

積金累作山山高小於址栽花比綠珠花落還相
似徒有敵國富不能買東市徒有絕世容不能樓
上死祇此上高樓何如在平地

經馬嵬坡

一從殺貴妃春來花無意此地縱千年土香猶破
鼻寵既出常理辱豈同常死一等異於衆傾覆皆
如此

古塞下

百戰已休兵寒雲愁未歇血染長城沙馬踏征人
骨早得用蛾眉免陷邊戍卒始知髦頭星不在彎
弓沒

世迷

烏兔日夜行與人運枯榮爲善不常缺爲惡不常
盈天道無阿黨人心自覆傾所以多遷變寧合天
地情我願造化手莫放狐兔走恣海產珍竒縱地
生花柳美者一齊美醜者一齊醜民心歸太朴戰
爭亦何有

賈客

長帆挂短舟所願疾如箭得喪一驚飄生死無良
賤不謂天不祐自是人苟患嘗言海利深利深不
如淺

漁人

垂竿朝與暮披蓑卧橫楫不問清平時日樂滄波
業長畏不得閒幾度避遊畋當笑釣臺上逃名名
却傳

醫人

古人醫在心心正藥自真今人醫在手手濫藥不

神我願天地爐多銜扁鵲身遍行君臣藥先從凍
餒均自然六合內少聞貧病人

藥草

天子卹疲瘵坤靈奉其職年年濟世功貴賤相兼
植因產衆草中所希採者識一枝當若神千金亦
何直生草不生藥無以彰土德生藥不生草無以
彰奇特國忠在臣賢民患憑藥力靈草猶如此賢
人豈多得

凡草誠

野草凡不凡亦應生和出鉅夫耘藥欄根不留其

一良由本蕪穢著地成棄物人生行不修何門可
容膝不唯不爾容得無凡草嫉賢愚偃仰間鑿之
宜日日

鴟梟

爲害未爲害其如汚物類斯言之一玷流傳極天
地良木不得栖清波不得戲曾戲水堪疑曾栖樹
終棄天不殲爾族與夫惡相濟地若默爾聲與夫
妖爲諱一時懷害心千古不能替傷哉醜行人茲
禽亦爲譬

蜘蛛論

春蠶吐出絲濟世功不絕蜘蛛吐出絲飛蟲成聚
血蠶絲何專利爾絲何專孽映日張網羅遮天亦
何別儻居要地門害物可堪說網成雖福已網敗
還禍爾小人與君子利害一如此

傷彩飾

朝見亦光彩暮見亦光彩一旦風雨飄十分無一
在爾形才似削爾貌不如昨本爲是凡姿誰教染
丹腹虛飾片時間天意以爲惡物假猶如此人假
爭堪作

明禁忌

陰陽家有書卜筮多禁忌土中若有神穴處何無
祟我識先賢意本誠驕侈地恣欲荆樓臺率情染
朱翠四面興土功四時妨農事可以沒凶災四隅
通一二一年省修營萬民停困躓動若焚於理福
匪神之遺動若越于常禍乃身之致神在虛無間
上中非神位

寄遠

游子雖惜別一去何時見飛鳥猶戀巢萬里亦何
遠妾願化爲霜日日下河梁若能侵鬢色先染薄
情郎

山中道者

筇杖六尺許，坐石流泉所。
舉頭看古松，似對仙鶴語。
是時天氣清，四迥無塵侶。
顧我笑相迎，知有丹砂異。

鄒律

鄒律暖燕谷，青史徒編錄。
人心不變遷，空吹閒草木。
世患有三惑，爾律莫能抑。
邊苦有長征，爾律莫能息。
斯術未濟時，斯律亦何益。
爭如至公一開口，吹起賢良霸邦國。

水旱禱

唐書海龜
禱祈勿告天酒漿勿澆地陰陽和也無妖氣陰陽
僣期乃人致病生心腹不自醫古屋澄潭有神祟

斷火謠

誰謂之推賢於世何功果絕爾晉侯交禁我唐虞
火國閉檀榆煙大禮成隳墮暗室枯槁飯冷面相
看坐陽昇旣非佑陰伏若爲佐焉凍羣生腹將止
天下禍但冤冤濫刑又道無不可鄙哉前朝翊贊
臣訐謨之規何瑣瑣

思婦吟

秋風鴈又歸邊信一何早攬衣出門望落葉滿長

道一從秉箕箒十載孤懷抱
可堪日日醉寵榮不
說思君令人老

織婦女

伊余盡少女一種飾螭首
徒能事機杼與之作歌
舞歌舞片時間黃金翻袖
取祇看舞者樂豈念織
者苦感此嘗憶古人言
一婦不織天下寒

獵犬行

獵犬未成行狐兔無奈何
獵犬今盈羣狐兔依舊
多自爾初跳躍人言多
擎躩常指天外狼立可
口中嚼骨長毛衣重燒殘
煙草薄狡兔何曾擒時
把

家雞捉食盡者飯翻增養者惡壯可嗟獵犬壯復壯不堪兔絕良弓喪

雉兔者

所獵一何酷終年耗林麓飛走如未空貪殘豈知足嘗聞獵書史可以鑒榮臣嘗聞獵賢良可以霸邦國如何縱網羅空成肥骨肉和濟俱不聞曷所襍顛覆誰能爲扣天地爐鑄此傷生其可乎

狡兔行

秋來無骨肥鷹犬遍原野其中三穴無處藏何況平出無穴者

聞猿

秋風颯颯猿聲起
客恨猿哀一相似
漫向孤危驚客心
何曾解入笙歌耳